



1



KIKO HULANDA TA PROPONÉ

Krea un plan di akshon dirigí
riba redusí i manehá gastunan di
kontratashon eksterno (consultants).



KIKO KÒRSOU MES KE

Kòrsou a tuma akshon pa baha e
gastunan di consultants, ke men ta di
akuerdo ku e proposishon di Hulanda.



2



KIKO HULANDA TA PROPONÉ

Basá riba investigashon eksistente i/ òf adishonal lo duna un bon bista di e nesesidat i gastunan relashoná ku lokalidat i posibilidatnan pa redusí gastunan ku 20% den 5 aña.



KIKO KÒRSOU MES KE

Kòrsou ya kaba ta inventarisando kon pa baha e gastunan di lokalidat. Sinembargo, mester di mas tempu i medionan finansiero, kual mester negoshá ku Hulanda.



3



KIKO HULANDA TA PROPONÉ

Den kuadro di un aparato gubernamental efisiente lo studia e posibilidatnan pa introdusí digitalisashon den e forma di traha i duna servisio.



KIKO KÒRSOU MES KE

Kòrsou ya a hasi uso di ehèmpelnan di otro paisnan manera Estonia ku a bin ku e programa di "Government Roadmap". Pa esaki mester di sosten finansiero i tékniko di Hulanda.



4



KIKO HULANDA TA PROPONÉ

Ekstendé 'Carensdagen' di 3 dia te na 5 dia.



KIKO KÒRSOU MES KE

Kòrsou a kuminsá traha riba e 5 dia di 'Carensdagen' kaba for di na momento ku a sera e Akuerdo di Kresementu ku Hulanda. Esaki ta nifiká ku SVB ta bai paga e 80% di kompensashon despues di 5 dia na lugá di 3 dia.



5



KIKO HULANDA TA PROPONÉ

Máksimalisá e rekargo di durashon 'duurtetoeslag' basá riba 100% di e salario; redusí pagonan aktual di rekargo di durashon ku 10% (sin indeksashon).



KIKO KÒRSOU MES KE

Kòrsou no a tuma desishon riba esaki pasó mester laga hasi un investigashon promé ku Kòrsou por disidí tokante e punto aki.



6



KIKO HULANDA TA PROPONÉ

Evaluá pa medio di un 'assessment' si por introdusí un impuesto indirekto di 12.5%.



KIKO KÒRSOU MES KE

Kòrsou su punto di salida ya kaba tabata pa introdusí e 'Algemene Bestedingsbelasting' (ABB) na yanüari 2021 i ta bai di akuerdo pa tene e evaluashon manera proponé dor di Hulanda.



7



KIKO HULANDA TA PROPONÉ

Programanan di 'Compliance' ta sigui kana òf keda imponé.



KIKO KÒRSOU MES KE

Kòrsou tin un programa di 'Compliance' mas simplifiká, pero ta den e proseso pa kaba di hasi esaki mas efektivo.



8



KIKO HULANDA TA PROPONÉ

Hulanda ke restrukturá supervishon finansiero pa hasi esaki mas efektivu, di forma ku por evitá loke a pasa den pasado ku Ennia, Giro i PSB Bank.



KIKO KÒRSOU MES KE

Kòrsou ta bai di akuerdo ku e punto aki.



9



KIKO HULANDA TA PROPONÉ

Un análistis integral riba maneho i legislashon di merkado laboral mester tuma lugá, pa asina por aktualisá i modernisá esaki.



KIKO KÒRSOU MES KE

Kòrsou ta di akuerdo ku esaki pasó ya a kuminsá ku un programa titulá “Dynamiek arbeidsmarkt” ku ta atendé e parti aki.



10



KIKO HULANDA TA PROPONÉ

Pa mehorá e sistema di seguridat sosial huntu ku e reformanan di e merkado laboral, kual tambe ta enserá implementashon di un reda sosial adekuá. Mester di anáalisis pa bin ku proposishonnan ku por implementá.



KIKO KÒRSOU MES KE

Kòrsou mester kuminsá un trayekto pa analisá i evaluá e fondonan sosial pa ku AOV, ZVOV i AWW.



11



KIKO HULANDA TA PROPONÉ

Pa subi edat di penshon di 65 pa 67
año (edat di 66 año na 2023 i 67 año
na 2025).



KIKO KÒRSOU MES KE

Kòrsou no ta wak un motibu pa hasi
esaki awor akí, pasó ya kaba tin hopi
desempleo bou di nos hóbennan.
Ademas nos ekspektativa di bida ta
mas abou ku na Hulanda. Hulanda
tin ku duna mas splikashon kiko
presisamente nan ke men ku esaki.



12



KIKO HULANDA TA PROPONÉ

Pa redusí gastunan den salubridat pùbliko pa ku kuido médiko.



KIKO KÒRSOU MES KE

E medidanan a keda tumá kaba pa baha gastunan i tin kombenionan pa traha huntu ku e otro paisnan den Reino riba esaki (por ehèmpel baha gastu di spesialistanan).



13



KIKO HULANDA TA PROPONÉ

Pa alsa kalidat den enseñansa i hasié muchu mas efektivo i efisiente.



KIKO KÒRSOU MES KE

Kòrsou mes a traha riba un programa di enseñansa, pero pa ehekutá esaki mester di sèn. Kòrsou a keda di haña 30 mion di Hulanda, pero esaki ainda Kòrsou no a risibí. Ku e sèn aki lo a drecha edifisionan i tambe invertí den digitalisashon.



Pakete pa sobreviví i sostené nos ekonomia



KIKO HULANDA TA PROPONÉ

Hulanda ta fasilitá Kòrsou ku un fiansa, pero ku kondishon di un kontribushon di 20% di e dunadó di trabou (werkgeversbijdrage).

Pa Kòrsou mes finansiá i manehá esaki ku su propio fondonan.

Hulanda a fasilitá Kòrsou ku un fiansa.

Pa Kòrsou mes finansiá i manehá esaki ku su propio fondonan.

Pa Kòrsou mes finansiá i manehá esaki ku su propio fondonan.



KIKO KÒRSOU MES KE

Supsidio pa salario (NOW).

Fasilidat di krédito pa empresanan mikro, chikitu òf mediano (finansiamentu).

Sosten pa empresario individual (ANG 1.335,- pa luna).

Sosten pa hende ku a pèrdè trabou (for di òf promé ku 15 di mart).

Sosten pa kobradó di ònderstant.



Redusí gastunan di personal



KIKO HULANDA TA PROPONÉ

Parlamentario i Ministernan mester entregá 25% di nan kondishonnan laboraal.

Sektor semi públiko mester entregá 12.5% di nan kondishonnan laboraal.

Pa e salario di funshonarionan mas haltu no surpasá 130% di e salario di Minister Presidènt. A stipulá un periodo di transishon di 2 aña mará na e kondishon aki.



KIKO KÒRSOU MES KE

Kòrsou ke redusí gastunan di personal.

Kòrsou ke nivelá salarionan den sektor semi públiko.



Lei di Reino, Entidat di Reforma Karibense Aruba, Kòrsou i St. Maarten



**KIKO HULANDA
TA PROPONÉ**

Hulanda ta pidi pa establese un 'Caribisch Hervormingsentiteit' (CHE), esta un entidat di reforma Karibense, pa medio un Lei di Reino.

E lei di Reino ta kontené entre otro ku:

- E entidat tin un sierto outoridat ku ta bai kontra di nos estado di derecho, pa supervisá i kontrolá desishonnan di Gobièrnu.
- E entidat mes mester ehekutá i kontrolá su mes trabounan.
- Hulanda ta disidí kiko lo ta e konstelashon di e entidat.
- E entidat lo disidí kuantu sèn Kòrsou lo por risibí komo fiansa òf supsidio, e porsentahe di interes i kon Kòrsou mester uza e sèn unaves ku risibié.
- E entidat por tuma desishonnan igual na Gobièrnu.
- E Minister di Asuntunan Interno i Relashon den Reino (BZK) lo dirigí e entidat i por influensia gobernashon di pais Kòrsou.
- Hulanda ta haña aksesu no limitá na tur instansia i kompanianan di Gobièrnu.
- E forma ku Hulanda ke imponé e Lei di Reino ta bai kontra di e prinsipio di konsenso.



**KIKO KÒRSOU
MES KE**

Kòrsou ta deseá un entidat di gobernashon ku ta ehekutá e reformanan eksistente i nobo ku rapides i determinashon, ku suficiente rekursu finansiero i tékniko.



Reformanan, 'Landspakket'



KIKO HULANDA
TA PROPONÉ

Hasi e aparato gubernamental mas efisiente i ménos kostoso.

Hisa edat di penshon na 67 aña.

Evaluá e sistema di belasten pa yega na stimulashon di nos ekonomia i hasi e sistema di belasten mas transparente i ehekutabel. Ademas, pa standardisá e sistema di belasten pa tur e 6 islanan den Reino.



KIKO KÒRSOU
MES KE

Kòrsou ke aselerá e reformanan ku sufisiente kapasidat di implementashon, ekspertonan i rekursanan finansiero.

Aparato gubernamental mas chikí i efektivo.

Mantené edat di penshon na 65 aña pasó nos poblashon ta birando mas bieu i e nivel di desempleo bou di hubentut ta haltu.



Reformanan, 'Landspakket'



KIKO HULANDA TA PROPONÉ

Hulanda su enfoke primordial ta riba mehorashon di e situashon finansiero, e aparato gubernamental i derecho di estado.

Evaluá i drecha maneho finansiero i supervishon finansiero.

Fortalesé supervishon finansiero.

Manehá e pandemia i hasi salubridat públiko mas efisiente i aksesibel.

Mehorá kalidat di edukashon.

Mehorá estado di derecho.



KIKO KÒRSOU MES KE

Kòrsou ke invertí den oumento di kuponan di trabou i un desaroyo sosial duradero.

Mehorá maneho finansiero.

Fortalesé supervishon finansiero.

Manehá e pandemia i hasi salubridat públiko mas efisiente i aksesibel.

Mehorá kalidat di edukashon.

Mehorá estado di derecho.